

Saintis kesihatan MOH terima pengiktirafan

Prof Tan Chorh Chuan berperanan penting dalam program kajian nasional dalam persediaan tangani pandemik, pembangunan vaksin

SERAMAI 6,258 individu, termasuk kakitangan awam dan pemimpin masyarakat, telah diiktiraf Anugerah Hari Kebangsaan untuk 21 kategori.

Antara mereka yang menerima pengiktirafan tertinggi anugerah berkenaan ialah Profesor Tan Chorh Chuan yang telah bantu menubuhkan beberapa program kajian nasional berkenaan penyediaan menghadapi pandemik dan pembangunan vaksin, termasuk semasa menangani krisis Covid-19.

Profesor Tan, yang memulki jawatan sebagai Ketua Pertama Saintis Kesihatan di Kementerian Kesihatan (MOH) pada 2018, juga memainkan peranan penting dalam mempertingkatkan beberapa khidmat penjagaan kesihatan seperti penjagaan utama dan akut sebagai Pengarah Eksekutif Pejabat MOH bagi Transformasi Penjagaan Kesihatan.

Atas sumbangannya yang ketara kepada negara ini, beliau menerima Darjah Utama Bakti Cemerlang oleh Presiden Halimah Yacob semasa majlis penyampaian Anugerah Hari Kebangsaan di Institut Pendidikan Teknikal (ITE) Kolej Sentral kelmarin.

Profesor Tan juga merupakan presiden Universiti Nasional Singapura dari 2008 hingga 2017.

Sebelum itu, ketika beliau menyandang jawatan sebagai ketua eksekutif pertama Sistem Kesihatan Universiti Nasional (NUHS), beliau menyatupadukan sekolah perubatan dan pergigian serta Hospital Universiti Nasional di bawah satu lembaga hospital agar dapat menyelesaikan kerjasama.

ma seluruh amalan, kajian dan pendidikan klinikal.

Profesor Tan juga telah menerajui respons penjagaan kesihatan awam senegara ketika Singapura ditimpa epidemik Sars pada 2003, ketika beliau memikul tanggungjawab sebagai pengarah perkhidmatan kesihatan antara 2000 dengan 2004.

Selain beliau, anugerah tertinggi itu juga diberi kepada mantan pengurus Lembaga Penasihat Putus Warisan India dan mantan duta besar, Encik Gopinath Pillai; dan Encik Lee Tzu Yang, Pengurus Siri Suruhanjaya Perkhidmatan Awam.

Ketika acara penyampaian anugerah itu yang turut dihadiri Perdana Menteri Encik Lee Hsien Loong, beberapa tokoh Melayu turut diiktiraf.

Penulis lirik veteran Encik Yusnor Ef atau nama penuhnya Encik Mohamed Noor Mohamed Yusofe, serta anggota lembaga agensi air negara PUB, Encik Abu Bakar Mohd Nor telah dinobat Pingat Bintang Bakti Masyarakat (BBM).

Empat individu Melayu lain pula menerima Pingat Bakti Masyarakat (PBM).

Mereka ialah; Naib Pengurus Kumpulan Pemulih Keagamaan (RRG), Ustaz Dr Mohamed Ali; Setiausaha Agung Kesatuan Guru-Guru Melayu Singapura (KGMS), Encik Abdul Malek Ahmad; dan Presiden Kesatuan Pekerja Perusahaan Elektronik dan Elektrik (UWEEL), Encik Fahmi Abu Bakar Baftana dan mantan anggota lembaga, Lembaga Perumahan dan Pembangunan (HDB), Encik Saat A. Rahman.



ANUGERAH TERTINGGI: Ketua Pertama Saintis Kesihatan, Kementerian Kesihatan (MOH) dan Pengarah Eksekutif Pejabat MOH bagi Transformasi Penjagaan Kesihatan, Profesor Tan Chorh Chuan, merupakan antara tiga penerima Darjah Utama Bakti Cemerlang, pengiktirafan tertinggi Anugerah Hari Kebangsaan. Beliau menerima anugerah tersebut daripada Presiden Halimah Yacob.

– Foto BH oleh LIM YAOUH



SUMBANGAN DIKTIRAF: Perdana Menteri Encik Lee Hsien Loong (*tengah*) bersama anggota lembaga agensi air negara PUB, Encik Abu Bakar Mohd Nor (*paling kiri*), yang diberi Pingat Bintang Bakti Masyarakat dan isterinya, Cik Kohe Hasan; dan Encik Saat A. Rahman (*paling kanan*) yang menerima Pingat Bakti Masyarakat atas sumbangannya selaku anggota lembaga, Lembaga Perumahan dan Pembangunan (HDB); bersama isterinya, Cik Aishah Yacob. – Foto ihsan KOHE HASAN



JASA DIHARGAI: Pengurus SMRT, Encik Seah Moon Ming (*paling kanan*), yang menerima Pingat Jasa Gemilang dari Presiden Halimah Yacob sewaktu majlis penyampaian Anugerah Hari Kebangsaan kelmarin. Kelihatan bergambar bersama Perdana Menteri, Encik Lee Hsien Loong (*dua dari kanan*); isteri Encik Seah, Cik Barbara Tan Chor Koon; dan anaknya Encik Seah Zheng Feng (*paling kiri*). – Foto ihsan SEAH MOON MING